



Aasiaat, 20. august 2015
UKA2015/107

Inatsisartut suleriaasianni § 33 atorlugu Inatsisartut aalajangiiffigisassaattut siunnersuut maanna saqqummiuppara:

Soraarnerussutisiallit pissakinnerit nammineq inigisaminniittut illuminnut 100.000 kr.-it angullugit aserfallatsaaliinissanut pisariaqartunut tigusaqarnissaannik periarfissinneqarnissaannut Naalakkersuisut upernaakkut 2016-imi ataatsimiinnisamat inatsisissamik saqqummiinissaannik Inatsisartut aalajangiiffigisassaattut siunnersuut.

(Medlem af Inatsisartut Ane Hansen, Inuit Ataqatigiit)

Tunggavilersuut

Innuttaaqatigut utoqqaat arlaqaqisut ukiorpassuarni illuminnut akilersuereerlutik, soraarnerussutisiaqalereernerminni illuminnik aserfallatsaaliinissamat akissaarussimapput. Innuttaaqatigut taaneqartut aningaasanik tigusaqarnissamik periarfissinnerisigut angerlarsimaffiit naammaginartunik aserfallatsaaliineqarnissanik pisariaqartunik akissaqalernissaanik periarfississavagut, kiisalu sumiiffinni ingerlatsiviit sanasut assigisaallu minnerit suliassanik annertunnginnerusunik suliaqarnissaanik periarfississavagut, suliassat allatigut suliarineqarsinnaassanngikkaluit.

Aningaasaqarnikkut allaffissornikkullu pisorta qarfinnut kingunissat

Siunnersuutigineqarpoq aaqqissuussinermi BS-inik illuutillit aaqqissuunneqarneri assigalugit aaqqissuussisoqassasoq, aammalu 5 mio. kr.-it immikkoortinneqassasut misiliummik aaqqissuussinermi ukiumi siullermi ingerlanneqarnerani. Tamatumunnga ilanngullugit allaffissornikkut aningaasartuutit ukiumoortumik missingerneqarput 0,5 mio. kr.-iussasut. Maluginiarneqassaaq pineqartumi tapiissutit aningaasat annertussusai akiligassat najoqqutaralugit tunniunneqartarnissai, tamatumani qulakkeerneqassamat, aaqqissuussaasumik ingerlatsisoqarnissaa aammalu akissarsiatigut akileraaruteqartoqartarnissaa anguniarlugu. Aningaasartuutit inatsissatut siunnersuutip suliarineqarnera missingerlugu ukiup affaani suliarineqassasoq naatsorsuutigineqarpoq suliassanik pineqartunik suliaasaqarfimmit aningaasaqarnikkut naatsorsuusianit naatsorsuutinik matussuserneqarluni suliarineqassasoq.

Aningaasaqarnikkut allaffissornikkullu namminersorlutik inuussutissarsiortunik ingerlatsivinnut kingunissai

Aningaasaliissutit immikkoortinneqartut aserfallatsaaliinernut immikkoortinneqartut atortusanut aammalu sanasut assigisaallu akissarsiasanun atorneqassapput, naatsorsuutigineqassalluni sanasut assigisaallu assarsorlutik sulianik ingerlatsisartut suliassanik annertusiartortumik ataavartumillu suliaasaqarnissaanik siunnersuut kinguneqassaaq.

Aningaasaqarnikkut allaffissornikkullu innuttaasunut kingunissai

Innuttaasut aningaasaqarnikkut ilungersunartorsiortumik nammineq inigisaminniiginnarnissaminnik ajornartorsiortumik inissisimasimasut siunnersuut qulaani pineqartoq aqutigalugu nammineq inigisaminniiginnarnissaat sivisunerumillu inigisaminniiginnarnissaat anguneqassaaq.